


বাছাগিলদর জনো বাইবেল উপস্থিত

পথম পর্ব



কায় নেথিসে: Edward Hughes
ব্যখ্যা করিচে: Janie Forest

ভাষা পাণ্টে দিসে: রমেস রায়
উদাহরন দিয়া বুঝাইসে: Lyn Doerksen

৬০টি গল্পগিলার মধ্যে ৫৪ টা

www.M1914.org

Bible for Children, PO Box 3, Winnipeg, MB R3C 2G1 Canada

অনুবোতি: এ গল্পটার একখান কপি তোরঠে রাখির পারিস বা
ছাপাকোরা পারিস, কিন্তু বেচেবার পারিস না।


রাজবংশি

Rajbanshi

মরিয়ম বেদনাময় চখুত একটা
মারাত্মক দৃশ্য দেখিল যেটেকোনা
চিকিরা-বোকরা হচে এমন
পাহাড় খেসা জাগাত
খাড়া হইচে। উয়ার
বেটা মরিয়া গেইচে।
মাও মরিয়ম
যেঠেকোনা খাড়া
দিসে ওঠেকোনা
যীশুক ক্রুশখুটাত
টাঙাইচে।



1




এইলা ঘটনা কেং করিয়া
ঘটিল? কেং করিয়া যীশু
নিজের সুন্দর জীবনটা এমন
করিয়া খতম করিবার
পারিলেক? কেংকরি
ঈশ্বর তার
বেটাক ক্রুশত
মারিবার দিল?
যীশু কি নিজেক
বুঝিবার পাই নাই যে সে
আসলে কাই? ঈশ্বর কি
নাকাম হয় গেইচেন?

2




না! ঈশ্বর কোনোদিন নাকাম হয় নাই। যীশু কোনো ভুল কাজ করে নাই। যীশু আগতে জানে যে উয়াক শয়তান মানষির হাতোতে মরিবার নাগিবে। যীশু যেলা বাচ্চা ছিলেক সেলায় শিমোন নামের এক বুড়া মানষি কইচে যে দুঃখের দিন টা উয়ার আগোতে আছে।

3




যীশু মরিবার কিছুদিন আগোতে একটা বেঠিছাওয়া আসিয়া যীশুর ঠেঙোত তেল ঢালি দিচে। উয়ার চেলালা বিরুখাতা করিচে যে বেঠিছাওয়াটা খালি টাকা-পাইসা নষ্ট করিছে। যীশু কইচে যে উয়ায় ভাল কাজ করিছে আর উয়ার কবরের জন্যই করিচে। কি আশ্চরিত কথা এগিলা।

4




এই ঘটনার পাছত যীশুর ১২-চেলাথেকে একজন, জার নাম জুডাস, উয়ায় ৩০-টা রুপার টাকার বিনিময়ে যীশুক বিরোধাতা করিবার জন্য পরধান যাকের কাছে রাজি হইচে।

5




যীহুদিলার নিস্তার পর্বে, যীশু উয়ার চেলালার শাখোত জীবনের শেষ খাবার খাইছে। যীশু চেলালাক ঈশ্বরের বিসয়ত সুন্দর বিষয় গিলা কইলেক আর কইলেক যে উয়ায় উয়ার কথা রাখিল উয়াদের জন্য যারা উয়াক ভাল বাসে।

6



তার পাছত যীশু রুটি আর কাপে দ্রাক্ষারস নিয়া উয়াদের দিল ভাগ করিবার আর কইলেক যে, “রুটি হইলেক মোর দেহা আর কাপোত দ্রাক্ষারস হইলেক মোর রক্ত, যেটা হইলেক নয়া নিয়মের অক্ত যা দিয়া পাপের ক্ষমা পাইবে, উয়ার মনে করিবার জন্য।

7



ইয়ার পাছত যীশু চেলালাক কইলেক যে উমরা বিরোধিতা করিবে আর দৌড়িয়া পালাবে। পিতর কইলেক, “মুই কোনোদিনও ছাড়ি যাম না”। যীশু সেলা পিতরক কইলেক, “কুকুরা ডাকিবার আগোতে তুই মোক তিন বার অগ্রাজ্য করিবে”।


8



এই রাতিতে যীশু
যেলা গৈতসিমনে
বাগানোত প্রারথনার
জন্য গেইছেন তখন
যারা উয়ার সথোত
ছিলেক সগায় নিন
গেইছে। যীশু প্রারথনা
করিছে ... “হে মোর
ঈশ্বর এই পানপাত্র
মোর দিয়া চলিয়া
যাক। কিন্তুক মোর
ইচ্ছা নাইই, তোমারে
ইচ্ছা মত হক”।

9

আচমকা যীহুদার সাথোতে অনেক লোকজন
ও সিপাহিগিলা যীশুক ধরিবার আসিলেক।
যীশু কোনো বাধা দিল না। কিন্তুক পিতর
একটা মানষির কান কাটিয়া দিলেক। যীশু
চুপ করিয়া মানষিটার কানটা নাড়িলে
উয়ার কান ঠিক হইলেক।
যীশু জানির পাইচে যে
উয়ার উপরা আক্রমন
ঈশ্বরের ইচ্ছয়া।



10

মানষিলা যীশুক প্রধান যাজকোর আগোতে নিয়া গেইলেক।
ওঠে, জিহুদি প্রধানগিলা কই যে যীশুক মরিবার নাগিবে।

ওঠেকোনা পিতর চাকর
মানষির আগুনোর পাসে
দাড়িয়া দেখিবার
নাগিলেক।



11

মানষিলায় উয়াক দেখিয়া কইলেক, “তোমরা মানষিখান
তো উয়ার সাথে ছিলেক?”। পিতর উমার তিন বার ঠগিলেক
আর না করিলেক, আর যীশু
যেমন কইয়াছিলেক ঠিক
তেমনি হইলেক। বুঝির
পাইয়া পিতর নিজেক
শাপ দিল আর
দুঃখ করিলেক।




12

কুক-রে-কু...কু...




ঠিক এই সময়, একটা বজ্র
চিকিরোন শূনা গেইল। সেলা
পিতরের এমন নাগিল যে
সেলা ঈশ্বরের আওয়াজ।
যীশুর কথা মনে করিয়া
পিতর খুব কান্দিলেক।

13




যীহুদা খুবেই দুঃখ পাইছে।
উয়ায় জানে যে যীশু কোনো
পাপ করে নাই। যীহুদা উয়ার
৩০ টা রুপার পাইসা ফিরিয়া
দিসে কিন্তুক প্রধান যাজক
পাইসা ফিরিয়া নেয় নাই।

14




যীহুদা উয়ার টাকা
পাইসা পাকতেরে
ফেলোয়া দিসে আর
উয়ায় নিজেকে
ফাঁসীত বুলাইছে।

15




প্রধান যাজকটা যীশুক একেবারে
রোমের প্রধান বিচারপতি পিলাত ঠে
নিয়া গেইছে। পিলাত কইলেক্, “মুই এই
মানষিটার কোনো ভুল খুজিয়া পাছোং
না”। কিন্তুক সাধারণ
মানষিলা চিকিরা কইচে,
“ইয়ায় ক্রুশত দেও,
ইয়াক ক্রুশত দেও”।

16




শেষমেষ পিলাত উয়ার শাস্তির আদেশটা
দিয়া দিলেক যে উয়াক ক্রুশোত দেওয়া
যাউক। সিপাহিলা যীশুক ঘুসি মারিলেক্,
থু-থু ফেলাইলেক আর তাক ছেপ দিবার
নাগিলেক। যীশুর মাথাত ডিকিলা
কাটাগাছের রাজমুকুট বানেয়া নাগেয়া
দিসে। ইয়ার পাছত ক্রুশ খুটাতে
তারকাটা দিয়া যীশুক
ক্রুশেত বাল্দিয়া
মারিয়া
ফেলাইলেক।

17




যীশু আগতে জানে যে উয়াক এই নাথান করেয়া মরিবার
নাগবে। উয়ায় জানে যে উমারলার পাপের ক্ষমা পাবে মোর
এই মরিবার মধ্যদিয়া যায়-যায় মোক বিশ্বাস করিবে আর
মোর উপরত নির্ভর করিবে।
যীশুর সাথে আরও দুই জন
ডাকাতকেও ক্রুশত দিছে।
উয়ার মধ্যে একটা ডাকাত
যীশুক বিশ্বাস করিয়া স্বর্গে
গেইচে আর অন্যটা না
বিশ্বাস করিয়া স্বর্গে
যাবার পাই নাই।

18



দুঃখের কয়েক ঘন্টা পাছত যীশু
কইলেক,- “এটা শেষ হ'ল”
আর মরি গেল। উয়ার
তামান কাজ শেষ
হইছে। চেলা গিলা
উয়াক বেসরকারী
কবরত কবর
দিলেক।


19



তারপর রোমান সিপাহিলা
কবরটাক বন্ধ করে
দিলেক আর পাহরা
দিবার নাগিলেক।


20

গল্প যোদি এইটাত শেষ হয়
তাহলে কত দুঃখ হবু?
কিন্তুক ঈশ্বর অদ্ভুত
কাজ করিলেক।
যীশু মরিয়্যা
থাকে নাই।



21

সপ্তাহের পঞ্চম দিনোত খুব সকালে
যীশুর কিছু চেলা দেখিল কবরের
বড় শিলটা নাড়িয়া গেইছে।
যেলা উমরা ভিতরোত
দেখিল-সেলা
যীশুর দেহ-টা
ওঠেকোনা
নাই।




22

কবর গোরতে একটা বেঠিছাওয়া বসিয়া
কান্দেয়া আছিলেক। যীশু উয়ার
আগোতে আসিল। উয়ায় অন্যান্য
চেলাগুলাক কবার জন্য পালাইয়া
গেইচে আর খুশীতে কইচে,
“যীশু বাঁচি আছে। মরা
থাকি যীশু আরও
উঠিছে”।



23

শিঘ্রি যীশু চেলাগিলাক আগোতে
আসিলেক আর নিজের হাত উয়াদের দেখিবার
দিল। এইটা সহিত্য বে ‘যীশু আবার জিবিত
আসিলেক’। উয়ায় পিতরোত ক্ষমা করিলেক আর
চেলালাক আদেশ দিলেক জে উমেরা উয়ার
বেপারে মানষিগিলাক কয়।



24

পঞ্চম পর্ব

ভগবানোর গল্পগিলা হামরা বাইবেলোত দিখিবার পাই

মথি ২৬-২৮, লুক ২২-২৪, যোহন ১৩-২১

“ভগবানোর কতা জ্যোতী আনে।”
গীতসংহিতা ১১৯:১৩০

ভগবান জানে যে হামরা সব সময় খারাপ কাজ
করি আর উয়ায় ইয়াক পাপ কইচে। পাপের বেতন মরন।

কিন্তুক উয়ায় হামারলাই এমন ভালবাসিলেক যে উয়ার একমাত্র
বেটাক- (যীশুক) এই দুনিয়াত পাঠেয়া দিচে যেন উয়ায় হামার আর
তোর পাপের যাদে কুশত শাস্তি পাই আর মরে। কিন্তুক যীশু আবার
জিবিত হইলেক আর স্বর্গত, তার আসল বাড়িত চলি গেইলেক! এলা
ভগবান হামার পাপ ক্ষমা করির পাই।

যদি তুই নিজের পাপের ঘট্টা থাকি
ফিরিবার চাইস তাহলে ঈশ্বরক তুই কবার পারিস।

প্রিয় ভগবান, মুই বিশ্বাস কর যে যীশু মোর পাপের যাদে মরিচে আর
আবার ফিরিয়া আসিচে। দয়া করিয়া মোর জিবনোত আসিয়া মোর পাপ
ক্ষমা করে দিস যাতে মুই নতুন জিবন পাই, আর এক দিন তোরে
জাবার পারি চিরকালের দিনোত। মক সাহায্য কর যাদে মুই তোরে বাধ্য
হয় আর তোরে বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও!